

Evening Dogri (NSD) Bulletin 11-05-2025

आकाशवाणी

खास-खास खबरां

1. प्रधानमंत्री नरेन्द्र मोदी होरें नमीं दिल्ली च इक उच्च सतरीय बैठक कीती। बैठक भारत पाकिस्तान बश्कार संघर्ष विराम गी दिखदे होई कीती।
2. फौज प्रमुख जनरल उपेन्द्र द्विवेदी होरें कल रातीं ब्हाई क्षेत्र उल्लंघन ते संघर्ष विराम दे बाद पच्छमी सीमाएं दे सेना कमांडरें कन्नै सुरक्षा स्थिति दी समीक्षा कीती।
3. भारतीय वायु सेना नै आखेआ ते ओपरेशन सिंदूर दरान जेहडे बी कम्म उनेंगी सौंपे गे हे ओ सब्बै कुशलता कन्नै पूरे कीते गे।
4. थ्वश्व दे केई नेताएं भारत ते पाकिस्तान बश्कार संघर्ष विराम दा सुआगत करदे होई इसी दौनें देशें बश्कार तनाह घट्ट करने भेठा इक महत्वपूर्ण गैह दस्सेआ।
5. रक्षा मंत्री राजनाथ सिंह होरें आखेआ जे ओपरेशन सिंदूर भारत दी राजनीतिक इच्छेआ शक्ति दा प्रतीक ऐ।
6. पंजाब पुलस नै नमीं दिल्ली स्थित पाकिस्तान उच्चायोग व तैनात अधिकारी दे सीमा पार जसूसी च शामिल होने दा खुलासा कीता।

<><><><><><>

PM-Meeting

प्रधानमंत्री नरेन्द्र मोदी होरें अज्ज नमीं दिल्ली स्थित अपने आवास पर इक उच्च सतह दी बैठक कीती। बैठके च रक्षा मंत्री राजनाथ सिंह, विदेश मंत्री डॉ. एस.जयशंकर, राष्ट्रीय सुरक्षा सलाहकार अजीत डोभाल, रक्षा प्रमुख जनरल अनिल चौहान, थल सेना प्रमुख जनरल उपेन्द्र द्विवेदी, नौसेना प्रमुख एडमिरल दिनेश त्रिपाठी ते वायु सेना प्रमुख एयर चीफ मार्शल मार्शल अमरप्रीत सिंह मजूद हे। एह बैठक कल दौनें देसें दे डीजीएमओ दे इक-दुए कन्नै गल्ल करने मगरा संघर्ष विराम गी दिखदे होई। दौनें मुखें दे एह अधिकारी कल परतियै गल्ल करने आले न। एहदे शा पैहले विदेश सचिव विक्रम मिसरी होरें कल नमीं दिल्ली च मीडिया गी दस्सेआ हा जे भारत-पाकिस्तान आस्सेआ संघर्ष विराम गी बड़ी संजीदगी कन्नै लैदा ऐ। उनें आखेआ जे सशस्त्र बलें स्थिति पर नेडमी तक्क रखी दी ऐ ते

उनेंगी अंतराश्ट्रीय सीमा ते कन्नो कन्नी एलओसी पर उल्लंघन दी कुसै बी घटना कन्नै सख्ती नै निबडने दे निर्देश दित्ते गेदे न।

<><><><><><>

Army Chief

फौज प्रमुख जनरल उपेन्द्र द्विवेदी होरें कल रातीं ब्हाई क्षेत्र उल्लंघन ते संघर्ष विराम दे बाद पच्छमी सीमाएं दे फौज कमांडरें कन्नै सुरक्षा स्थिति दी समीक्षा कीती। फौज नै दस्सेआ जे फौज प्रमुख होरें कल भारत पाकिस्तान दे फौजी अभियान महानिदेशकें दी गल्लबात दे बाद बनी दी सैहमति दे कुसै बी उल्लंघन दे मामले च जवाबी कारवाई लेई फौज कमांडरें गी पूरे अधिकार दित्ते न।

<><><><><><>

Delhi Airport

दिल्ली ब्हाई अड्डे थमां डोआरी दी आओजाई सुचारू ढंगै नै जारी ऐ। दिल्ली अंतराश्ट्रीय ब्हाई अड्डे लिमिटेड नै इक परामर्श च आखेआ ऐ जे वर्तमान परिदृश्य च सिविल हवाबाजी सुरक्षा ब्यूरो दे जरूरी सुरक्षा प्रोटोकॉल गी दिखदे होई डोआरिणं दे समें च बदलाव होइ सकदा ऐ ते यात्रिएं गी सुरक्षा जांच दरान बी इंतजार करना पेई सकदा ऐ।

<><><><><><>

Situation Peaceful

समूलचे जम्मू प्रांतै च रमानदारी आला म्होल बने दा ऐ। अज्ज कुदरै दा बी बन्ने पारा गोलीबारी जां संघर्ष विराम दी खलाफवर्जी दी कोई खबर नेई ऐ। आकाशवाणी दे जम्मू संवाददाता नै जानकारी दित्ती ऐ ते राजौरी ते पुंछ दौनें जिलें च कल चिरे रातीं गोलाबारी बंद होई जाने दे बावजूद बी डर ते बेचैनी आली शांति बनी दी रेही। बडलै शांति आले म्होल च लोह होई ते दिन भर चैह्ल पैह्ल ते आम ध्याड़े आला लेखा गतिविधियां चलदियां रेहियां। भारत ते पाकिस्तान बश्कार चला'रदे संघर्ष विराम पुंछ ते राजौरी जिले च सब्बने शा मता जानी ते माली नुक्सान होआ। भारत ते पाकिस्तान बश्कार कल हर चाल्ली दी गोलीबारी

11 सुन्ने ते 4 चांदी सनें 23 तगमें कन्नै त्रीह थाहर पर ऐ। आयोजन दे 8में रोज अज्ज केईथाहरें पर मुक्केबाज, कुश्ती, योगासन ते तलवार बाजी दी प्रतियोगिता होआ'रदी ऐं

<><><><><><>

Mother's Day

दुनिया भर व अज्ज मातृ दिवस मनाया जा'रदा ऐ। एह माताएं दे प्रति उंदे प्रति प्रेम, दिक्खभाल ते त्याग लेई आभार व्यक्त करने दा समें ऐ।

<><><><><><>

National Technology Day

अज्ज राष्ट्री प्रौद्योगिकी दिन यानि नेशनल टेकनालजी डे मनाया जाग। 1998 च इस दिन भारत नै राजस्थान दे पोखरण च अपने परमाणु बम दा सफलतापूर्वक परीक्षण कीता हा। एह दिन देसै दी तरक्की ते विकास च तकनीकी तरक्की दी अहम भूमिका दा चेत्ता करोआंदा ऐ। एह दिन भारत दी तकनीकी विशेषज्ञता च वैज्ञानिकें, इंजीनियरें ते नवाचार करने आहलें दे योगदान ते मुख्खै च तैयार कीते दा पैहला विमान "हंसा-3" दे लांच दा बी चेत्ता नोआंदा ऐ। रक्षा मंत्री राजनाथ सिंह होरें आखेआ ऐ जे राष्ट्रीय प्रौद्योगिकी दिन उप्पर भारत उनें वैज्ञानिकें, इंजीनियरें ते तकनीशनें गी नमन करदा ऐ जेडे देशवासियें दे जीवन च सकारात्मक बदलाव आहनने लेई नमीं तकनीकें गी विकसित करियै जोगदान दिंदे न। सोशल मीडिया पोस्ट च श्री सिंह होरें आखेआ ऐ जे राष्ट्र उनें वैज्ञानिकें दे असाधारण जतनें गी गौऽ कन्नै चेत्ता करा'रदा ऐ जेदे कन्नै 1998 च पोखरण परीक्षण सफल होआ हा। उनें आखेआ जे एह भारत दे इतिहास च इक चेत्ता रक्खने जोगा पल हा।

<><><><><><>

Rajnath Brahmos

रक्षा मंत्री राजनाथ सिंह होरें आखेआ जे आपरेशन सिंदूर छड़ी सैन्य कारवाई गै नेई ऐ। सगुआं एह भारत दी राजनीतिक, सामाजिक ते सामरिक इच्छा शक्ति दा प्रतीक ऐ। रक्षा मंत्री होरें लखनऊ च ब्रम्होस एरोस्पेस इंटीग्रेशन एंड टैस्टिंग फैसिलिटी दा वर्चुअल तरीके राएं उद्घाटन करने मगरा एह गल्ल आक्खी। ब्रम्होस बारे जिक्र करदे होई रक्षा मंत्री होरें आखेआ जे एह भारत ते रूस दी रली-मिली दी उच्ची म्यारी आली रक्षा तकनीक दा नतीजा ऐ। रक्षा मंत्री होरें आखेआ जे रक्षा क्षेत्र च आत्मनिर्भरता दा बड़ा व्यापक अर्थ ऐ। भारत इस

बच्चार कन्नै अग्गे बधा'रदा ऐ, भारत गी अपने लेई थेआर ते उपकरण बनाने न ते कन्नै गै उनेंगी पूरी दुनिया गी निर्यात करना ऐ।

<><><><><><>

Punjab

पंजाब पुलस नै नमीं दिल्ली स्थित पाकिस्तान उच्चायोग च तैनात अधिकारी दे बन्ने पारा जसूसी च शामिल होने दा खुलासा कीता ऐ। भारतीय फौज दी गतिविधिएंनै सरबंघत संवेदनशील जानकारी गी पाकिस्तान च संचालकें गी भेजने दे आरोप च शामिल दऊं लोकें गी पंजाब दे मलेरकोटला शैहर थमां गिरफ्तार कीता गेआ ऐ। पंजाब पुलस प्रमुख गौरव यादव होरें इक सोशल मीडिया पोस्ट च आखेआ ऐ जे शुरूआती जांच थमां पता लगदा ऐ ते आरोपी गोपनीय जानकारी दे कड्डने, ऑनलाइन लेनेदेन राएं भुगतान हासिल करदा हा। पुलस दे मताबक गिरोह दे माली स्रोतें ते होरने सदस्येंदी जांच कीती जा'रदी ऐं

<><><><><><>

IMD

मौसम विभाग नै दक्खन-पच्छम मानसून दे 27 मई गी केरल तट पर पुज्जने दी मेद प्रगट कीती ऐ। सामान्य तरीक कोला 5 घ्याड़े पैहले इस मानसून दे पुज्जने कन्नै खरीफ दी बुआई ते पैदावार शैल होने ते जल स्रोतें दा स्तर बघने दी मेद ऐ। विभाग च इस ब'रे मानसून सामान्य कोला मता 105 फीसद होने दा बी मेद ऐ। एह लगातार दुआ ब'रा ऐ जिसले विभाग नै सामान्य थमां मते मानसून दा अनुमान लाया ऐ। विभाग नै सामान्य थमां मती बरखा होने दी मेद ऐ। हालांके जम्मू कश्मीर, लद्दाचा, तमिलनाडू, बिहार ते उत्तर पूर्वी राज्यें च सामान्य थमां घट्ट बरखा होइ सकदी ऐ।

<><><><><><>

Iran

ईरान दे विदेश मंत्री सर्ईद अब्बास होरें आखेआ अमरीका कन्नै गल्लबात च ओ अपने परमाणु अधिकारें नै समझौता नेइं करोग। दौनें देशा बयकार अज्ज ओमान च परमाणु वार्ता दा नमां दौर होना हा। कल दोहा च चौथे अरब ईरान सम्मेलन च श्री अराधवी होरें जोर देइयै आखेआ हा जे ईरान म्हेशां गै परमाणु अप्रसार संधि दा सदस्य रेआ ते यूरेनियम समृद्धि सनें परमाणु ऊर्जा दे शांतिपूर्ण इस्तेमाल दा अधिकार रखदा ऐ। उनें एह बी आखेआ जे ईरान

परमाणु थेआर नेड् हासल करना चांहदा ते विनाशकारी थेआरें दा ओहदी सुरक्षा नीति च कोई थाहर नेड् ऐ। ईरान दे विदेश मंत्री होरें इस गल्ल पर बी जोर पाया जे ईरान अमरीका दे कन्नै होरने देशें कन्नै बी सदभाव आली गल्लबात जारी रखोग। कुसै बी समझौते तैहत ईरान दी समृद्धि सुविधाएं गी खत्म करना होग।

<><><><><><>

Russia President

रूस दे राष्ट्रपति ब्लादिन पुतिन होरें यूक्रेन कन्नै सिद्धी गल्लबात दा आह्वान करदे होई आखेआ जे इसी बिजन कुसै चिरे दे 15 मई थमां शुरू कीता जाना लोडचदा। क्रेननिन थमां टीवी पर दित्ते गेदे संबोधन च राष्ट्रपति होरें आखेआ जे ओह इस गल्ला थमां इंकार नेई करगंन जे तुर्किय दी राजधानी इस्ताबुल च प्रस्तावित वार्ता दरान रूस ते यूक्रेन नमें युद्ध विराम पर सैहमत होई सकदे न। रूसी नेता नै आखेआ जे ओह अज्ज तुर्किय दे राष्ट्रपति रेसेप तैयप् एदोगन कन्नै गल्लबात करगंन ते इस बारे च व्यापक जानकारी लेंगन। अपने बयान दरान पुतिन नै यूक्रेन पर मास्को दे त्रै युद्धविराम प्रस्तावें दा बार बार जवाब नेई देने दा बी अरोप लाया। यूक्रेन नै पैहले आखेआ हा जे इने अवधिएं दरान रूसी हमले जारी हे। रूस नै यूक्रेन दे बारे च बी इस चाल्ली दे दावे कीते न। राष्ट्रपति पुतिन हुंदा एह ब्यान बरतानिया दे प्रधानमंत्री सर कीद स्टारमर ते फ्रांस दे राष्ट्रपति इमैनुबल मैक्रो ानें यूरोपीय नेताए आखेआ जे यूक्रेन च राष्ट्रपति जेलेसकी कन्नै गल्लबात करने दे किश घैंअे दे बाद आया ऐ।

<><><><><><>

SIA Raids

जम्मू कश्मीर पुलसै दी प्रदेश जांच अर्जेसी एसआईए नै अज्ज दक्खनी कश्मीर दे जिले च केई थाहरें छापे मारी कीती ऐ। एह छापे राष्ट्र विरोधी गतिविधिएं सरबंधी मामले च जारी जांच पड़ताल दे हिस्से दे तौरा पर कीती गई जेहदा मकसद आतंकी ढांचे गी खत्म करना ते आतंकवादिएं दे समर्थकें दी नकेल कस्सना ऐ। एह छापेमारी पुलवामा, अनंतनाग, कुलगाम ते शोपिया जिलें च कीती गई इस दरान सुरक्षा दे निग्गर बंदोबस्त करी रखे गेदे हे ते कारवाई इनें मामलें बारे थ्होई दी टकोहदी सूह दी बिनाह पर कीती। एसआईए दे वरिष्ठ अधिकारिएं दी दिक्ख-रिक्ख च कीती गेदी इस छापेमारी दरान केई डिजीटल सबूत, एतराज जोग दस्तावेज ते होर केई चीजा ते समेयान जब्त कीता गेआ ऐ।

<><><><><><>

LG-BSF

उपराज्यपाल मनोज सिन्हा होरें बीएसएफ सब-इंस्पैक्टर मोहम्मद इम्तेयाज जिने मातृभूमि दी रक्षा लेई अपनी जिंदू दा बलिदान देई दित्ता। उनेंगी श्रद्धांजलि भेंट कीती। सब-इंस्पैक्टर मोहम्मद इम्तेयाज होर जम्मू दे आर.एस.पुरा च अंतर्राष्ट्रीय बन्ने पर पाकिस्तान आस्सेआ कीती गेदी गोलाबारी दरान शहीद होए। उपराज्यपाल होरें आखेआ जे सब-इंस्पैक्टर मोहम्मद इम्तेयाज हुंदा बलिदान म्हेशां चेता रखेआ जाग ते पूरा देश इस मुश्कल दी घड़ी च शहीद सब-इंस्पैक्टर हुंदे परोआर कन्नै मजबूती कन्नै खड़ोते दा ऐ ते उंदे बलिदान गी सलाम करदा ऐ।

<><><><><><>

LG-ADDC

उपराज्यपाल मनोज सिन्हा होरें अज्ज जम्मू च राजौरी दे अतिरिक्त जिला विकास कमीशनर डॉ. राज कुमार थापा जिंदी पाकिस्तान आस्सेआ कीती गेदी गोलाबारी च जान चली गई ही। उंदे परोआर आले कन्नै मलाटी कीती। उपराज्यपाल होरें सौहगी परोआर कन्नै हमदर्दी जाहर कीती ते एडीडीसी हुंदी सेवाएं गी चेता करदे होई उनेंगी भाव-भरोची श्रद्धांजलि अर्पित कीती। उपराज्यपाल होरें आखेआ जे एडीडीसी थापा हुंदा जम्मू कश्मीर दी तरक्की च अन्मुल्ला योगदान रेहा ऐ। एहदे लेई उनेंगी म्हेशां चेता कीता जाग। उपराज्यपाल होरें गलाया जे इस मुश्कल दी घड़ी च उंदी संवेदना सौहगी परोआर कन्नै न।

<><><><><><>

MP Visit

राजौरी-अनंतनाग थमां सांसद मियां अल्ताफ ते सुरनकोट थमां विधायक चौधरी मोहम्मद अक्रम होरें पुंछ दा दौरा कीता ते उत्थें पाकिस्तान आस्सेआ कीती गेदी गोलाबारी च होए दे नुक्सान दा आंकलन कीता। अपने दौरे दरान इनें दौनें जिला अस्पताल पुंछ दा दौरा कीता ते उत्थें पाकिस्तान आस्सेआ कीती गेदी गोलाबारी च जख्मी होए दे लोकें दी डोल पुच्छी। एहदे अलावा विधायकें, पाकिस्तानी गोलाबारी च जान मुआने आले लोकें दे परोआर आलें कन्नै बी मलाटी कीती ते उंदे कन्नै दिली हमदर्दी जाहर कीती। मीडिया आले कन्ने गल्ल

करदे होई भियां अल्लाफ होरें मारे गेदे लोकें दे परोआर आलें लेई, जख्मिणं ते जिंदे घरे दा
नुक्सान होआ ऐ उंदे लेई मुआवजे दी मंग कीती।

<><><><><><>